

Paliatiwna stacija nastawa

Za 1,3 milionow eurow ma we Wojerowskim jězorinowym klinikumje stacija za paliatiwnu medicinu nastać. Spěchowansku zdžělenku we wobjimje 1,4 milionow eurow je sakska socialna ministerka Barbara Klepsch (CDU) tele dny přepodała.

Wojerocy (AK/SN). Nowu staciju za paliatiwnu medicinu wutworja w poslednim hišće njesaněrowanym, 400 kwadratnych metrow wulkim wobtuku jězorinoweho klinikuma. K tomu słušeć maja meblěrowane stwy, terapijowe rumnosće, džělowy wobtuk za lěkarjow a přebywanjšćo za pacientow a přiwuznych, rozłóži jednaćel klinikuma Jörg Scharfenberg. Wot lěta 2013 paliatiwna stacija eksistuje, je pak prowizorisce zaměstnjena, praji šeflěkarka Michaela Stöckel.

Swobodnemu statej Sakskej je moderna paliatiwna medicina wažna, podšmórny ministerka Klepsch. Wot lěta 2012 nastawa dobra syć tychle zarjadni-

šćow, do kotrejež tež Wojerocy słušeja. „Je to wažny wobtuk klinikuma, kotryž budže přichodnje hišće wažniši“, rjekny Wojerowski socialny měšćanosta Thomas Delling. Dwě lěće běchu po jeho słowach w měšćanskej radže diskutowali. Skónčnje mějachu město hospica w měsće modernu paliatiwnu staciju w klinikumje za zmysłaopnišu.

Dotalna prowizorisca stacija ma šěsć łožow, nowa změje runje telko, ale z wjacce městnom. „Naša paliatiwna stacija přewodza pacientow z njewuhojomnymi chorosćemi. Su to ludžo, kotřiž čerpja mjez druhim nad raka, multiplu sklerozu a parkinson. Pola nas nazhonjeja woni wosebite hladanje a přichilnosć“, wuzběhny hladanska nawodnica Birgit Wolthusen. Paliatiwna stacija „njeje hospic, ale swojich pacientow zdžěla tež domoj rozžohnuje. Čezišćo je, zo čerpenje a bolosće wolóžamy. Za to je trjeba so do našich pacientow zanurić“, Birgit Wolthusen potwjerdzi.



Sakska socialna ministerka Barbara Klepsch (naprawo) je we Wojerowskim klinikumje spěchowanske srědki za nowu paliatiwnu staciju přepodała. Přitomna bě zapósłańca zwjazkowego sejma Marja Michałkowa (nalěwo). Foto: Andreas Kirschke